

CORHIO Yog Dag Tsi?

Colorado Regional Health Information Organization (CORHIO) yog ib lub koom haum ua tsis yuav paj uas cov mej zeej muaj lub hom phiaj los pab kom zoo rau koj txoj kev kho mob thiab txoj kev noj qab haus huv rau cov neeg nyob hauv Colorado. CORHIO pab cov koom haum faib qhia tus neeg mob tej ntaub ntawv kho mob hauv koospijtawj (computer). Lub koom haum no koom tes nrog rau pawg CORHIO. Yog xav paub ntxiv txog CORHIO, ces mus saib hauv <http://www.corhio.org/>

Cov Koom Haum Twg Nyob Ua Pawg Rau Hauv?

Cov koom haum no koom nrog CORHIO:

- Denver Tus Tswj Kev Noj Qab Haus Huv thiab Tsev Kho Mob (Denver Health and Hospital Authority)
- Lus Koom Haum Tu Kho Kev Mob Kaiser Permanente
- Cov Me Nyuam Yaus Lub Tsev Kho Mob (The Children's Hospital)
- Lub Tsev Kawm Ntawv Qib Siab Hauv Colorado Tus Tswj Tsev Kho Mob (The University of Colorado Hospital Authority)

Yog Vim Li Cas Yuav Tsum Faib Qhia Kuv Tej Ntaub Ntawv Kho Mob?

Tam sim no, koj tej ntaub ntawv kho mob tej zaum yuav nyob hauv ntau qho chaw. Yog hais tias koj mus kho mob los sis mus kuaj ntsuas ntawm ib qho chaw, tej zaum tus kws kho mob yuav tsis tau tej ntaub ntawv ntawd. Cov kws kho mob yuav txiav txim tau zoo dua thaum lawv paub ntau li paub tau txog koj tej keeb kwm mob nkeeg. Tej ntaub ntawv li kev kuaj ntshav lossis kuaj zis, cov tshuaj uas koj noj, thiab lwm yam ntaub ntawv uas yuav tseem ceeb thaum muaj xwm txheej ceev. Tsis tas li ntawd xwb, yog tsis muaj koj tej ntaub ntawv kho mob txhij tej zaum yuav tau rov qab kuaj xyuas dua ces koj yuav xiam sij hawm thiab nyiaj.

Kuv Tej Ntaub Ntawv Kho Mob Uas Muab Faib Qhia No Puas Yuav Ceev Zoo thiab Tsis Pub Leej Twg Pom?

Yeej yuav ua li ntawd. CORHIO thiab nws cov mej zeej yeej ua raws li lub xeev thiab tsoom fwv teb chaws tej kev cai hais los txog tej ntaub ntawv kho mob uas tsis pub leej twg pom. Cov koom haum uas koom tes nrog pawg CORHIO yuav tsum ua raws li tej kev cai uas pov hwm kom tsis txhob muaj dab tsi thiab tsis pub leej twg pom koj tej ntaub ntawv kho mob. CORHIO thiab cov koom haum uas koom tes nrog pawg CORHIO yuav tsis faib qhia koj cov ntaub ntawv kho mob nrog cov neeg uas tsis koom tes kho koj tej kev mob.

Kuv Muaj Cai Li Cas? Kuv Tsis Kam Puas Tau?

Koj muaj cai txiav txim seb puas yuav faib qhia koj cov ntaub ntawv hauv CORHIO. Koj txiav txim tias koj tsis xav faib qhia koj tej ntaub ntawv kho mob los tau. Qhov no hu ua "Txiat Txim Tawm." Yog koj txiav txim li no, tej zaum koj tej ntaub ntawv kho mob yuav tsis muaj nyob ntawd thaum koj xav tau kev kho mob vim muaj xwm txheej ceev.

Yog koj xaiv yuav qhov "Txiat Txim Tawm," nws yuav siv li 2 hnub rau qhov koj tau xaiv no los tshwm rau hauv CORHIO lub koospijtawj. Yog tias koj pauv siab, koj xav "Txiat Txim Koom" qhov CORHIO los tau thiab. Koj yuav tsum hu mus rau tus kws kho mob uas koj tau mus ntsib thaum koj xaiv qhov "Txiat Txim Tawm" tsis txhob faib qhia koj tej ntaub ntawv kho mob.

Yog koj muaj lus nug txog koj cov cai uas tsis pub leej twg pom koj tej ntaub ntawv, thov saib hauv koj tus kws kho mob Daim Ntawv Ceeb Toom txog Tej Kev Cai Txwv Tsis Pub Leej Twg Pom (Notice of Privacy Practices). Daim ntawv qhia no yog los pab piav kom to taub zoo txog CORHIO. Daim no tsis yog ib daim ntawv ua raws kev cai lis choj.